

## 10. gr.

75

Ef vörur, sem á farmskrá skipsins eru ákveðnar til annarra hafna, eru látnar í land um stundarsakir, skal aðeins greitt vörugjald, þegar vörurnar eru fluttar í land. 30. júní

Undanþegnar þessu gjaldi eru vörur, sem látnar eru á land um stundarsakir vegna skemmda á skipi.

## 11. gr.

Af vörum, sem fluttar eru úr landi í skip og ákveðnar eru til annarra hafna innanlands, greiðist hálf vörugjald.

Hálf vörugjald skal og greiða fyrir þær vörur, sem fluttar eru úr skipi í strandferðaskip og ætlaðar eru til annarra hafna innanlands, og fyrir þær vörur, sem koma með strandferðaskipum frá öðrum höfnum innanlands, og eru fluttar í önnur skip.

## 12. gr.

Þessar vörur eru algerlega undanþegnar vörugjaldi:

- a. Umbúðir, sem endursendar eru. Olía, vistir og aðrar nauðsynjar skipa og báta til eigin notkunar, enn fremur kol, salt og ís, sem flutt er úr landi í íslensk fiskiskip til eigin notkunar. Hálf vörugjald greiðist af kolum, salti og ís til erlendra fiski- eða vöruflutningaskipa, þótt það sé til eigin afnota.
- b. Bréfaþóstur og farangur ferðamanna.

## 13. gr.

Vörugjald skal reikna eftir máli eða þyngd með umbúðum. Brot úr gjaldeiningu, sem nemur helmingi eða meiru, telst heil gjaldeining, en minna brot hálf gjaldeining. Fara skal eftir farmskrá viðkomandi skips við útreikning vörugjalds, og er skipstjóri skyldur að láta hafnarstjóra í té eftirrit af farmskrá skips síns. Sé engin farmskrá, skal skipstjóri eða formaður báts gefa drengskaparvottorð um vörumagn, sem fleyta hans hefur fermt eða affermt. Þyki hafnarstjóra ástæða til, getur hann, hvenær sem er, látið ákveða vörumagnið á þann hátt, sem hann telur hentugastan. Reynist vörumagnið meira en upp var gefið, greiðir skipið kostnaðinn við þetta.

Ef ýmsar vörutegundir eru í sendingu, skal reikna vörugjald eftir þeirri tegund, sem hæst gjald skal greiða af.

## 14. gr.

Vörur skal flokka til vörugjalds eftir því, sem vörugjaldskrá tiltekur og gjald greiða eins og þar segir, þó skal aldrei reikna vörugjald lægra en 1.00 kr.

Ef vafi leikur á, í hverjum flokki skuli telja vörur, skal hafnarstjóri úrskurða, en úrskurði hans má áfrýja til hafnarstjórnar.

## 15. gr.

## Flokkar vörugjaldskrárinnar.

1. flokkur: Gjald 1.00 kr. fyrir hver 100 kg:  
Allur fiskur upp úr sjó.
2. flokkur: Gjald 1.00 kr. fyrir hver 100 kg:  
Blý, brýni, sement, eldfastur leir, gaddavír, stálvír, gærur saltaðar í pökkum, ís, járn og stál, járnkeðjur og járnþípur, kaðlar, kitti, litarvörur þungar, rafmagnsvörur, prentsverta, sódi, togleður, þakjárn, þakpappi, ísvarinn fiskur, nýr fiskur slægður og óslægður (gjald þetta á fiski greiðist aðeins, þegar honum er skipað út), kol og salt.
3. flokkur: Gjald 1.50 kr. fyrir hver 100 kg:  
Benzín og baðlyf, fiskilínur, óverkaður saltfiskur, fiski- og síldarmjöl, garnir, hey, kálmeti, kartöflur, alls konar kornvörur, kjöt, leður, leir-

75

30. júní

- vörur, linoelum, mör, bækur, pokar, pokastrigi, strigi, rjúpur og aðrir fuglar, rúðugler, saumur, sápa, segldúkur, seglgarn, hampur, tvistur og vaxdúkur, hraðfrystur fiskur, harðfiskur og þurr saltfiskur.
4. flokkur: Gjald 2.40 kr. fyrir hver 100 kg:  
Brennsluolía og benzín (laus í geymi).
5. flokkur: Gjald 3.00 kr. fyrir hver 100 kg:  
Lýsiföt, smurnings- og steinolíutunnur, brennsluolía, áburðarolía, feiti, fernisólía og tjara.
6. flokkur: Gjald 1.50 kr. fyrir hver 100 kg:  
Lýsi, ávextir, nýir, þurrkaðir og niðursoðnir, brauðvörur, kaffi, kakaó, lyf og lyfjavörur, mjólk, alls konar niðursuðuvörur, jurtafeiti, smjör, smjörlíki, súkkulaði, sykur, te, ull, sundmagi og nýlenduvörur alls konar.
7. flokkur: Gjald 5.00 kr. fyrir hver 100 kg:  
Dúnn, eldspýtur, fiður, glervörur, glysvarningur og þess háttar léttar vörur, rjól, rulla, reyktóbak, skinnavörur, vefnaðarvörur, vindlar og vindlingar.
8. flokkur: Gjald 3.00 kr. fyrir hver 100 kg:  
Aðrar vörur, sem reiknast eftir þyngd.
9. flokkur: Gjald 15.00 kr. fyrir hvern teningsmetra:  
Húsgögn, orgel, píanó, saumavélar, skilvindur, stundaklukkur og þess háttar vörur, sem reiknast eftir rúmmáli.
10. flokkur: Timbur, 25.00 kr. fyrir hvern standard.  
Tómar síldartunnur, 1.00 kr. fyrir hverja tunnu.  
Tómar stáltunnur og tóm lýsiföt, 1.50 fyrir hvert stykki.
11. flokkur: Síld og hrogn í tunnum 2.50 kr. fyrir hverja tunnu.  
Fiskflök í síldartunnum 2.50 fyrir hverja tunnu.  
Saltfullar síldartunnur 2.00 kr. fyrir hverja tunnu.  
Frosin beitusíld 2.00 kr. fyrir hver 100 kg.
12. flokkur: Gjald 10.00 kr. fyrir hvern grip:  
Hross, nautgripir og svín.
13. flokkur: Gjald 2.00 kr. fyrir hverja sauðkind.
14. flokkur: Gjald 20 kr. fyrir hvert stykki:  
Bifreiðar, dráttarvélar og jarðýtur.

### I. Lóðir og geymsluhús m. m.

#### 16. gr.

Fyrir að leggja vörur, sem affermdar eru, á land hafnarinnar, skal greiða 4 aura fyrir hvern fermetra af landi því, sem varan liggur á, fyrir hvern sólarhring, talið frá öðrum degi eftir að affermingu er lokið.

Sama gjald skal greiða fyrir vörur, sem fluttar eru á land hafnarinnar og fara eiga í skip.

#### 17. gr.

Ef affermdar vörur eru látnar í geymsluhús hafnarinnar, skal greiða 10 aura fyrir hvert stykki, fyrir hvern sólarhring eða hluta úr sólarhring, talið frá öðrum degi eftir að affermingu er lokið, enda sé varan tekin innan þriggja daga. Fyrir aðra vörugeymslu greiðist það gjald, sem um semur við hafnarstjóra.

#### 18. gr.

Fyrir lóðir hafnarinnar og geymsluhús, sem eru leigð einstökum mönnum eða félögum um lengri tíma, skal greiða gjald, sem ákveðið verður með samningi.